

玄覽堂叢書

第八十四冊

一

一

一

一

一

一

一

一

一

一

一

一

一

刑部等衙門為

開讀事欽奉正德十六年四月

詔書內一款江西并各處地方先因宸濠反逆事敗及因人告報謀反

妖言等項事情一時追捕餘黨急於撲滅不暇審辯未免有跡涉
疑似被誣逮繫者經該問刑衙門務要嚴加詳審果係誣枉即與釋
放若係逼脅負順從者問擬明白奏請定奪無得寬抑淹禁又一款見監
與宸濠謀反事情有干正德十四年就陣擒獲及續等入犯三法司錦
衣衛先行查問明白其真正共謀逆賊并臨時脅從及先年交通不曾
與謀者各依律議擬應得罪名丹會多官覆審相同具奏定奪毋
致輕縱寬枉欽此續該司禮監太監常霖傳奉

聖旨說與三法司錦衣衛知道各衙門見監輕重罪囚或因領兵官員追



捕餘黨被誣逮繫或因原問官員鍛鍊成獄拘泥文案多有冤抑
致傷和氣上干

天變朕心憂惻便着多官查照詔旨從公會審分別輕重等第明白奏未
定奪不許仍前冤枉欽此欽遵會問得犯人一名劉吉年五十三歲係
江西撫州府臨川縣民狀招吉自幼私自淨身投入寧府收充火者歷
陞任承奉先年寧府原有護衛後因不法革改南昌左衛弘治十一
年有今死宸濠襲封寧王正德二年間宸濠要復護衛差已故內
官梁安賄通逆瑾朦朧奏討准復改爲護衛正德五年八月內逆瑾
事敗仍革爲南昌左衛訖有宸濠因愛在官樂人秦榮質美會
唱爲伊奏討樂官伊就不合因而出入宮闈撥置行事後宸濠恣
肆妄爲意生不軌常請已故術士李自然等推命相面妄稱伊有

天子分又招已故術士李日芳等首得本省城內東南有天子氣穴
就蓋陽春書院僭號離宮時去遊樂又將西山地名青嵐

先朝禁革龍口舊穴葬毋俱要當其氣又指蓄姦謀誣陷

宗室打死軍民不計其數每年指收祿米違例每石折銀二兩過限倍

徵訪知先任江西按察使鄭岳要行劾奏就暗行與伊有讐言今罷

閑未到本司副使李夢陽不合依聽將跟隨鄭岳門子劉奉送府

拷打逼供無名賊私奏陷鄭岳為民正德九年正月內宸濠要行謀

逆密與吉并在官承奉涂欽典寶等官熊綬黃瑞在逃陳賢已

故萬銳致仕都御史李士實舉人王春典伏徐紀校尉盧孔章趙

隆及秦榮商議要先謀復護衛方好整備軍馬圖謀天下就假

以地方盜賊生發為名借指

祖訓粧飾成本因見已處決都督錢寧投為

朝廷義子專權亂政已發遣樂官臧賢出入內府另起見監太監張雄管
掌司禮監事在官太監商忠少監盧明俱為張雄心腹朋黨用事
教坊司樂工晉良先年投在本府教演小幼彈唱素與臧賢情熟
就差晉良隨同涂欽萬銳盧孔章趙隆徐紀齎本赴京謀幹先將
銀五百兩與晉良托伊將銀五千兩引送臧賢又將銀四百兩與伊已
發遣女婿施鉞司鑑求為打點就托臧賢將銀一萬兩送與錢寧各
不合接受又送商忠盧明各銀五百兩托伊引送張雄銀三千兩寶
石鑲帶一條彼因另起見監太監張銳坐殿行事恐伊阻撓亦將銀
三千兩托臧賢過送與伊亦不合知情接受入已宸濠又因彼時見任
兵部尚書在官陸完曾任江西按察使往來交厚亦令余欽盧

孔章將金臺盤一付重十兩段四足饋送央伊扶持陸完亦不合接受
許允涂欽等方將前本奏行兵部彼有陸完於查覆本內雖稱難
將該衛再復却不合又稱寧王以

太祖典章為言合行會議具本覆奏有錢寧張雄臧賢各因得受重
賄不合為欺罔傳批

勅書到府有本衛指揮千百戶等官已故王信等正嫌平日三司轄制各喜
入府得以倚勢行事有宸濠得遂奸計為惡日甚彼先任江西按
察司副使胡世寧舉奏宸濠聞知捏情具本令涂欽等赴京將胡
世寧誣害就齎帶銀兩饋送錢寧三千兩張雄一千兩盧明三官
兩各不合接受扶同將胡世寧蒙蔽具奏誣陷遼東克軍彼
因在官少監秦用趙秀俱在司禮監文書房辦事曾打探消

息亦各將銀一百兩送伊等各不接受訖以後宸濠愈加恣肆故行羅織撫按三司等官非禮鉗制使皆吞氣隱忍不敢非議又密令吉等招引慣熟武藝強賊在官楊清未獲李甫玉儒等百有餘人入府號稱把勢及招素在鄱陽湖打劫已故賊首楊子喬等率領賊徒令與楊清等各不合依允合夥不時出外劫財入府分受正德十年三月內宸濠謀要舉兵須得軍師方能濟事訪知安福縣已故舉人劉養正素有才學多讀兵書隱情差未獲審理蕭宗瀛前去招請到府有宸濠因與講論宋時陳橋之變有劉養正就不合贊稱宸濠有撥亂之才當受賞銀五百兩密約待時舉事有吉涂欽萬銳黃瑞陳賢已故內官陳學涂朱秀指揮王信王麒在官儀賓李世英已故張高校尉火信林華等各

思宸濠舉事用費浩大各不合多方設計謀爲聚財招納女姁人投獻田產強占官稅倚勢販賣私鹽胡椒蘇木等貨攤放官本稻穀加倍取利假代兗軍多收銀兩重科夫價軍民遭害百端正德十一年二月內有今死瑞昌王祺祺將置買田地投獻宸濠加租被佃戶魏志英抗違不納良民辜增守正不阿宸濠嗔怪就令陳賢帶火信楊子喬已故校尉周孟清葛鎮等統衆前去將辜增魏志英家眷二百餘人盡行殺害房屋焚燒一空本年三月內有引禮方价因爲逼令鄉民辦納宸濠原放官本稻穀被不知名人殺害訖有宸濠見得

朝廷未立東宮要得圖謀

大位密差萬銳同林華等前未饋送錢寧銀三萬兩臧賢一萬兩

謀未將伊今故長男大奇假以上

廟燒香爲名迎取來京彼有錢寧臧賢因受重賂各不合心懷異謀

行計允先令林華回報隨又詐稱

欽賜將玉帶金箱寶石鬧裝帶各一條綵段十對付與萬銳齋送

宸濠傳令本府官員穿紅四十餘日專待錢寧傳取本年七

月內有已故吉安府生員康昭來省城科舉劉養正因恨伊

時常在入前非笑交結宸濠就寄書與王春并平素在府

行走未獲琴士馬効良不合扶同誣捏事情撥置宸濠設

計令秦榮不合依聽將康昭羅織打死事發囑官塌案不

行有原任南昌左衛指揮戴宣陞授兩廣守備宸濠怪

伊見遲禮薄登時打死將伊財產盡行收府及將伊男監

禁五年文賞已故儀賓陸程為妾宸濠因見陳賢行事乖便
專令邀截上下公文及串同各衙門吏典未獲熊世蕃等獲
故門子吳漢等各不合依聽抽捺以致百端不法不得

上聞正德十二年有不在官原任本府典寶閔順內官陳宣劉良脫逃
赴京具奏宸濠不法事件被伊聞知當將已故內官雷龍未到
辛明李勇馬安拷問招稱承奉周儀主使宸濠怒將周儀
并家人六十餘人及典仗查武等盡行打死令吉齎本赴京
擬奏要將閔順等陷死當送臧賢銀一千兩錢寧二千兩張
雄張銳各一千兩各不合接受控同將閔順等俱發南京
孝陵衛充軍訖彼因未討消息又送盧明銀二百兩趙秀秦用各銀
一百兩亦不合收訖宸濠復與李士實并吉等相議圖謀天

下必須慣戰賊徒當令王春余欽等招蓄已故賊首凌十一閔
二十四萬賢一萬賢二熊十七在官閔念八熊十四等并手
下賊徒各三五百人及四外巴命遊食強竊盜賊脫死充軍
徒化與楊清并未獲原招把勢樂盛等不計其數藏縱
丁家山等處各不合分夥劫掠新建等縣民人羅慶三等
家并各處庫藏及各商客船隻財貨送府平分又贖
幣厚廣西土官軍銀兵并南贛汀漳峒蠻款為應
差人廣東收買皮張入府造作皮甲招藏四方匠作打造
鎗刀盔甲及佛即攪銃各樣兵器隨差已故舍人童茂即彭茂
王親方倬各往河南收買馬匹又差在官監生方儀亦往河
南省城向李夢陽求討陽春書院詩文伊止作詩二首付方

儀回還聞知宸濠逆謀亦不合不行舉首有徐欽令伊未獲家
人姚元佐張雲賓不合共謀將帶銀兩前往揚州府招召慣
熟武藝好漢已故教英未獲郭昇引見宸濠共給與銀一百
四十兩各不合聽從領受募兵就假以雇借好漢護送貨盤防
盜爲名教英在官金章黃昇尚惠有郭昇雇在官葉鳳
張貫每人各受雇銀三兩同到儀真地方各訪知係是召募助
逆隨即懼罪逃散各不合不行赴官舉首震濠又令奸人暗藏
於南北直隸山東一帶進京沿途鎮店去處假名買賣專接
報京中事情待時起手時常邀請李士實劉養正王春各不
合謀說即今起兵恐四方人心未服必須厚結

進貢茶芽方物金銀玩器等項務得親信不疑及差人打探動靜沿途埋伏健步快馬限以十一二日報知一遇有警便好起兵等語當就節差徐紀趙隆盧孔章林華及已故校尉韓江各不合從謀往來京師打听不絕本年十二月內有在官太監畢真前來江西鎮守不合將玉石各色紵紗羅羊酒馬疋進送宸濠結好正德十三年正月內有江西清軍御史范輅因與畢真爭論坐廢及辦朝王服色畢真懷恨不合商同宸濠捏奏范輅提解到京問罪除職本年二月內遇

太皇太后崩逝有少監盧明因素與宸濠交往情厚不合營求齋捧報訃前去

開讀得受宸濠銀三千兩宸濠又令吉輿涂欽黃瑞相送盧明行

至地方吳城置酒相待回還被已故賊首吳十三等將金銀酒器劫去行文撫按拏吳十三等懼怕托投閔念四將原劫酒器送還宸濠就令吳十三等與閔念四等同行打劫先加厚賞安慰圖致其力彼有宸濠飾詐要名求賢講學王都御史因薦伊今故門生湖廣武陵縣舉人李元亨即冀元亨往見意欲用善開導比因議論不合李元亨隨亦回還訖有死節巡撫都御史孫鏊亦因宸濠為惡日甚逆謀漸露屢行具本刻劾奏俱被設計邀截訖宸濠常於南昌府縣索討夫馬多派葬祭銀兩節被知府鄭璪阻拒不從致恨在心本年八月內吳十三閔念四閔念八凌十一等打劫新建縣庫銀七千餘兩與宸濠分用又被鄭璪密差快手聶鳳捉獲窩主何順監問間宸濠愈加嗔怒差人將聶鳳捉拿夾打逼供鄭璪無名賊私

又有萬銳表兄伍吟犯該徒罪曾被鄭璪打二十在監病故萬銳告知宸濠就將前事祝飾具本誣奏輒將鄭璪拏送按察司監禁本年十一等月內有李士實在官男李汝禎女婿方侃萬銳姪徐大才萬銳姪萬桂李藁俱以監生給領布政司批文前來國子監復班肄業方侃萬銳徐大才李藁各明知宸濠與李士實等又謀反逆各不合不行舉首正德十四年正月內宸濠要待暗收人心商同李士實王春各不合捏造孝行有畢真亦不合知謀主張寫成呈文逼令南昌府縣學官生員耆老人等具呈都布按三司轉呈鎮守撫按衙門會奏要求虛吝取信

朝廷隨有畢真改調鎮守浙江宸濠要伊預備人馬前來助逆當將銀三千兩金壺一把盤盞四付并器皿茶芽等物送行又將銀三百

兩給賞在官叅隨張浩等各不合知謀接受許允本年四月內蒙
濠因前幹取伊男來京上

廟燒香逆謀久未得遂復謀同未獲門副徐繪假以進貢茶扇為名不
依听收帶銀一萬兩金臺盤七付銀臺盤十付到京交與盧孔章
趙隆轉送臧賢打點彼有在官護衛指揮樂節舍餘福已故賈
勝俱承差護送徐繪前來彼有在官本府校餘柴忠余瓊各另起
進茶齋冊在京亦常往來看望各知前謀不合不行舉首本月內
有徐紀等回府傳報

聖駕將巡山東泰安州等處宸濠陰遣秦榮等於大院内張設勾欄搬
演雜劇預令李士實等撰寫疏詞差人浙江等處各路粘貼招
致遊俠光棍誘引四方人心意在扇惑傳聞京師邀請

駕臨因而伏兵圖謀篡逆比有畢真前到浙江不合假以操演官軍為名就各重賞銀兩暗邀人心及又打造盔甲兵器數千餘副堆積本鎮衙門待時起兵助逆本年五月內宸濠又挾讐擅拏瑞州府知府宋以方送按察司監禁宸濠惡逆彰聞致被科道官將伊謀為不軌事情劾奏蒙

欽差賴太監崔駙馬顏都御史前去首諭查革護衛被戮寧密令林華星夜前去報說前情宸濠自知反謀敗露即召吉與在官承奉等官徐欽黃瑞熊綬在逃陳監已故徐永秀周瑞黃銳陳學喻才并都御史李士實舉人王春王親妻伯儀賓張嵩陸程李蕃都指揮王麒王信指揮孫隆典膳羅璜引禮盧禰錦校尉人信唐全在官儀賓李世英熊僚葛江典儀丁瑱續樂官秦榮大戶謝天一賊首閔念八熊十四楊清

已故凌十一閔念四吳十三楊子喬熊十七萬賢一萬賢二凌十九凌全
雷漢四趙燿十九谷進府商議宸濠說稱如今差官勘我府中事
情羊我護衛若有起手斷然不好十三日是我壽日鎮巡三司等官
必來慶賀候其次日謝酒就脅令各官順從起兵彼若不從即行
斬首警衆大事就定比吉與李士實等各不合回說此謀最好宸濠
當將李士實僞授國師吉俱僞授太監又說事定李士實爲左丞相
加封國公王春尚書其餘俱陞極品文職王信等俱極品武職李世
英等俱駙馬各許免叩謝訖又議差已故舍人王華請劉養正速
來定計及令閔念四等各集賊兵十三日聽用彼有畢真亦差張浩
引領未獲張倫曹松將帶禮物前來賀壽宸濠當賞銀三百兩就
留張浩不合知謀在府潛住當遣張倫曹松各不合依徑回浙江通報

畢真知會至十三日鎮守撫按公差并三司等官進府賀壽筵宴各散十四日早宸濠密令凌十一楊清閔念四人信張浩等俱暗藏兇器傍立有鎮巡二司等官前來謝酒行禮至三拜宸濠即出殿前臺

上詐說

太后娘娘有密旨着我起兵你各官知大義否有都御史孫鏗回說既有密旨請看又問副使許逵如何平官回說只有一點赤心宸濠怒說殺這不知大義官以定民志有李世英不合在傍贊殺就令王信張高監斬凌十一等綁縛各不合听從當將當孫都御史許副使押出在於惠民門首殺害仍將各首懸掛城上以披衆心彼有另起見問鎮守太監王宥叅政王倫按察司楊璋僉事潘鵬師夔未到巡按御史王金布政梁辰胡濂叅政劉斐程果叅議許效庶楊學

禮副使賀銳唐錦僉事王疇賴鳳都指揮馬驥白昂許清王祀
南贛守備知文南昌府同知何繼周通判張元澄等南昌縣知
縣陳大道新建縣知縣鄭公奇各不合俱畏殺害不敢執義抗
言并另起見問經過叅政李穀未到公差主事金山死節馬思聰
本布政叅議黃宏鄉官卽中塗文祥俱被綁送儀衛司等處監
禁宸濠當差塗欽到各衙門追取印信關防又差喻才去布政司
盧鏞去南昌縣在官儀賓強文盛去按察司未獲典膳胡玉去南
昌府典儀李章去新建縣各不合依听前去搬取庫銀布政司
一十二萬兩按察司一萬三千四百三十六兩南昌府四萬五百二十六
兩南昌縣九千七百九十兩新建縣三千三百二兩俱送府內募兵
賞人又召宗室及內外官員進府說稱今舉大事你各人務要盡

心贊助事定之後宗室加爵祿各官重加陞賞等語當有李
世英俱素通逆謀各不合倡率已死宜春王拱揖鎮國將軍觀鈺
宸泓宸瀾宸溥觀鑪宸洎拱襪宸鳳楊宸汲宸楊宸澣宸滌并已
故王親方倬儀賓陸程熊瓊于全強文盛在官徐塗鳳張澧蕭
奇李林徐輅賀浚周峻李經羅朝紀未獲蕭相董講傳澄黃
亮鄭讓華清楊黃已故長史郭銳教授華泰良醫劉文華典
膳白強涂堂在官胡通鎮未獲胡玉已故引禮馬萬里在官朱會
沈整蘇文四未獲熊裕白金審理蕭守瀛典儀李章工付毛潯在
護衛指揮丁綱榜昇已故張隆千戶夏振唐玉嚴琪李雄孫賢
在官何綬朱縕馬旻周勇周昇鎮撫已故闡鳳已故吳宣百戶楊
瓚謝昇高洪盛德張鳳在官袁桂於麒鄭鳳宋富儀衛正顧

鎮顧雄前衛揮揮徐芳吳松何鏗劉勳已故曹儀未獲侯昇在
官千戶徐甄已故楊永并劉琅未獲劉指揮即劉璋舉人魏榜
魏檝謝鳳已故甘桂監生余祥義官熊濟未獲省祭官黃海胡
鍾琴士馬效良崑山縣民胡吉把勢李用王儒樂盛在官逃軍
鳳校尉倪六未獲倪芳盧永成盧永富已故吳棗徐玉盧永芳
陸鑑徐倫張宣王鳳周孟清葛鎮陸彪趙賢趙智倪慶倪楊玉秀
朱輝陽棗樊林龐鐸吳鳶高童薛勝王淮徐英王隆趙十四朱英
鎮洪禮大義李成王雲亦不合隨同稱呼萬歲宸濠又令徐欽等
將都布按三司府縣見監一應輕重罪囚盡行放出又將知府鄭璫
宋以方取入儀衛司監禁隨令黃瑞修黃船六隻及虜官民船
隻听用傳令十七日起程徑往南京慮恐操江船衆令吉與陳賢

王春等預雇各處漁戶沒于手一千余人要得臨時鑿穿操江
艇有凌十一閔念四吳十三楊清在傍各不合說稱萬歲但放心南京
城池只消我四人管定打破宸濠大喜各賞銀一百兩本日夜宸
濠將閔念四閔念八凌十一吳十三萬賢一萬賢二熊十四熊十七
俱僞授都指揮楊清范鳳俱僞授指揮就令凌十一統令凌十九
凌金雷漢四等吳十三萬賢一統領吳成五等閔念四閔念八
統領已故閔大賓解十二等各賊兵二千餘人號五千楊清統領
原招各處善射二千餘人號四千五百就將虜得官民船三百
餘隻裝載號先鋒與同徐欽萬銳孫隆熊僚帶領于全各不
合攻打九江南康又差熊綬陳賢葛江率領何堂楊昇徐銳
各不合前去吳城地方截虜糧船有在官孫澄因與熊綬錫毬

相好亦不合跟隨上船宸濠又令謝天一方倬并在宮大戶鄧時
已故歐陽文五姜乾一裘鳳五萬時盛在官監生秦婁一未獲生
員徐大用齊倫各不合臨時順從招兵助逆有在官舉人裘衡
明知伊父表鳳五從逆不合不行首官宸濠又領陳賢點集楊子
橋等賊兵并在城已故快手姚鳳曾記宋華鄧林余炳宋軋王
定張五張六楊崇楊松熊王辛六夏隆朱珊向通袁五熊貴曾
先范祿杜斌杜隆羅王朱昂王祥金十三張祥李貴黎方余李
俊周賢李朴吳黑仔王貴王行陳清華秀并未獲聶魁等四
十餘人俱屬范鳳管領各不合依從听候攻打府縣又差已故義官
劉覲領銀三百五十兩收買硫磺焰硝合造火藥又督差未到前
衛指揮養廉百戶秦誠李幹康靖百戶楊斌各下屯點軍各官

俱即逃避不從又差校尉趙智等各不合听從前去密會畢真
太監等助兵及差儀賓李蕃李世英前往瑞州等府華林瑪璫
等處王春前往豐城奉新二縣婁伯帶同在官家人婁福童前
往進賢廣信并橫風窰等處陳學已故陳季八前往東鄉縣各
不合听從追印招兵比瑞昌王拱楨亦票差未獲內使黃萬興
余雄校尉黃賢等各不合前去貴溪縣住日交通王親已故
官江城招兵江城回書依從彼有伊在官第江梧不合知情不首當
被各縣知縣顧似劉源清劉守緒馬津黃堂等各率兵截殺着
王春陳季八等奔回婁伯等各被殺死劉福童等脫走潛至廣信
不合起取伊一般家人已故婁童等同來助逆彼有婁伯另往族叔
在官知縣婁懌及婁怡在官家人婁墨童各不合知情不首寢

濠又令羅璜將布政司叅政王倫職印寫牌爲開路取兵事差已故承差金大用齎執前去萬年縣招取桃源洞等處賊兵彼有王都御史前往福建公幹將過省城宸濠聞知即差俞才領兵六百餘人裝作機兵屯伏地名生米觀邀截有王都御史行至豐城縣地方聞變卽行回還奔赴吉安府住劄隨將宸濠及逆事情具奏督同該府知府伍文定等及通行所屬并隣省各府州縣共起義兵前往征剿有熊綬在於吳城捉虜前衛未到運糧千戶劉標百戶梅榜第當將伊糧米分給賊兵又有在任前衛千戶吳欽不令跟隨熊綬將各處運船截擄十六日劉養正引帶已故門生王儲到省宸濠親出南浦驛迎接入府并授軍師又許事定陞左丞相加封世襲國公王儲重加陞賞劉養正隨又寫書招致已故門生新淦縣

生員劉子達戴榮各不合依所未府一同計事有宸濠議要僭
稱大號及改年順德比劉養正李士實各議稱起事之初未可遽
稱大號改易正朔待至南京正位然後稱號改年布告天下豈不爲
好宸濠止令吉查將前左二衛旗軍并儀衛司校尉八千三百餘名及
招到山西賊徒并省城脅從居民共二萬五千餘名統將本府私
造及前左二衛并惠民局各收貯火藥盜甲器械俱給與領用
宸濠又令秦榮同伊已故男秦道及俳長赤定集本院樂工并
招引流民二千餘人號五千分與已故樂人鄭貫王憲張天祿祝業
陳祿胡祿志大張得并未獲羅洪雷成各不合順從分領又有
李士英招引趙燿十九帶領已故從賊趙祥四趙祥十八趙燿四
趙子慶熊十八蔡松九李堂李信十彭景李慶彭受得華

十九觀忠李甫等八百餘人并李蕃募兵三百餘人宸濠就委李世英李蕃秦榮各不合管領隨又招已故布政司吏谷穗王大章易鳳胡用羅弘陳仁南昌府受賞冠帶听用彼有涂欽等督率衆兵將南康九江二府城池攻破進入萬銳熊僚孫隆及于全各不合督兵占據涂欽隨差在官軍餘黃堂萬銳亦差未獲醫士陳江各不合听從報捷各受宸濠賞銀二十兩涂欽又領楊清等賊兵就從九江前往湖口徑攻安慶去訖彼有南康府安義縣未獲巡捕主簿董國宣原籍清州人帶領已故男董茂隆女婿陳麟未獲快手張萬貫陳高八等五十餘人各不合來投余欽名下從逆助兵有熊綬等將前虜運船糧米爲至省城宸濠令何堂萃秦各不合督同儀賓李林百戶錢煜各不合依

听管理支散軍校及令倪慶等不合听從賑濟省城飢民又差
陳賢等在湖口等處虜得河船三百餘隻黃銳虜得船六
百餘隻回省編甲完備給賞銀米聽候起行有原監叅議黃宥
主事馬恩聰各守節抱恨不食而死宸濠又與李士實劉養正
王儲王春計議布檄天下誑邀人心劉養正李士實既行檄造偽
檄及安民偽榜專一指斥乘輿放免稅役俱用木板雕刻印刷
各千餘張俱不用正德年號止稱大明己卯又將布政司印
信鈐印公文各行天下諸司諭降及脅差叅政李敷賁往
王都御史并廣東等處未到南昌府縣學教官達賈趙康
金清唐日仁賚往吉安南贛等府俱執其妻子為質仍差校尉管
押及又脅差在官舍人哈英高策曾顯賚往饒州府各不合

畏懼殺害替伊賚送行至吉安等處地方各乘機逃走俱被
各該地方盤拏押送王都御史軍前將原押校尉殺訖檄榜
文燒燬季敷等各收監候禁二十三等日宸濠遣吉祭旗壽縣
關王廟三處又偽勅吉提督軍務及將王叅政王倫加叅贊軍務
各不合聽從同往教場閱兵宸濠僭祭

天地祖宗及遣郡王拱櫛等祭告山川城隍等神并西青嵐等六

處墳塋崇宸濠又令吉將前過軍校編為一百四十餘隊分左

右前後中五哨派令都指揮千百等官王信王麒與同丁綱
張隆曹儀劉勳周勇周鼎夏振唐玉馮旻楊永何綬并在
官指揮宋欽未獲賈弼百戶歐隆張俸俱分投管哨及令
校尉火信唐全與葛鎮周孟清徐玉姚十四倪六王鳳倪芳

等二十八名俱分投提調執旗令兵各不合听從管領又魯
令已故前千戶侯昇未獲傅英鄭春唐崇拱昂張斌徐隆徐
賢陳韜王椿龔昇陳銳百戶張綱孝欽陳詔黃鑑護衛百
戶李隆袁勳百戶馮春高璿蕭儀亦俱分投管哨吳松徐
芳朱煜聞鳳袁桂於麒盛德張鳳顧鎮雄顧雄并未獲指揮徒
定陳琦千戶王爵王憲百戶馮淮陳麒劉綱顏玉楊威李幹在官
鎮撫吳雄俱分管執帶鎗刀旗甲儀仗防護等項各不
合惧害依听管理听候又丁瑣羅璜盧鏞張嵩黃瑞喻才
陳學涂永秀各不合魯令在官傅明曾奇吳金卽吳欽樂
圖樂平已故梁偉程鳶吳裕孫鉞樂奇龍音樂瑣樂秋胡用萬
福羅祝蕭文未獲李昂劉榮等七十餘人俱各不合依听隨行供

事又脅令在官儀備彭綵強文盛未獲魏銓夏英秦友源魏奎
錢浙王謹萬岳劉浩顧觀祥前衛指揮夏解春千戶劉嵩吳耀
已故高洪百戶戴銘未獲趙昂劉勳楊玉姚芳董鈺陳瓚呂甫王
節張琦王昇護衛千戶孫忠曾順李雄已故張倫嚴珙鎮撫
吳宣百戶謝昂田鎮楊瓚未獲屈英孫文趙墳王鑑李祥即
會在官宋富鄭鳳典膳寥蕃各不合俱害分投看守城門
布按二司府縣彼有已故義官熊濟校尉洪禮人義李盛趙
賢王雲盧永秀朱真朱英未獲求成盧求富各不合听從
差委專一巡風打探消息及又令陸程同瑞脅令在官儀賓
袁贊孫鏗未獲賴純瑩陳善能護衛千戶路達已故孫賢
鎮撫陳淮未獲梁富百戶王清田成周旻傳憲周暹王憲周綱

凌銓徐樛^樛劉昇阮芳王佐李宏已故李昇未獲前衛千戶姚鉞
陳偉在官儀衛副胡順已故典仗嚴雄長史郭統伴讀宋善
正良醫王用未獲王廷秀孫記宗記善李恕典膳雷動辛
正廖乙庫官孫俊楊瑞倉官李才潘寬倉官已故戴恩并內
官洪貴鄧永富張文馮容張俊孔昂樂竹劉綱等四十餘
人俱看守王府門殿庫蕭墻等項亦不各惧害依聽分投
管理彼有未到紀善譚漢典晤周瓊劉孟翊徐子文謝居
鄭興在官引禮蘇文四各因年老疾懦不曾用事各不合
不行舉首宸濠令吉與陳學將銀給賞前護二衛官軍各
多寡不等每軍又各賞米一石又令朱真與未獲民吳景賢
等各不合听使將銀分送梁宸胡濂劉斐許效楊廉璋賀悅

廣錦師變潘鵬賴鳳各二百五十兩程果王疇各二百兩經歷尹
鴉知事張澍照磨雷燠各十兩馬驥許焉吉升王紀各一百三十兩
俱交與各家人俱害各收領後俱首官貯庫訖又分送宗室將軍
各二百兩段二疋隨行同謀各王將軍又各重賞不同宸濠將萬
銳取回偽勅鎮守江西已故護衛指揮余雄總督廵守余祥謝
鳳王儲劉子遠徐大用齊倫俱偽授主事甘桂與李士實
已故男李汝祺俱偽授錦衣衛指揮余鏗偽授光祿署丞伊
等各不合依從一同留守宸濠又令覲鑪拱樞周瑞陸程守
府協同萬銳督理內外防禦謝鳳余祥與馬效良各隨同督
晝及撥樂安鎮國五將軍覲鍾八將軍覲鈺瑞昌輔國二將軍宸
濬五將軍宸浣石城鎮國六將軍覲鍾七將軍覲鈺宜春輔國

三將軍觀鈔八位俱守城墻宜春輔國四將軍觀漢瑞昌鎮
國二將軍拱樛奉國六將軍拱稻弋陽鎮國八將軍
宸澳九將軍宸風俱守王門仍率領已故儀賓王
伯純未獲歐釗達孫賢熊浩楊章護衛致任千戶朱
埤內官胡永清黃永淳康榮福吳清等各不合依听有守青
嵐等處墳營彼有南昌已故致仕知縣甘楷听招入府與同秦妻
一萬士盛鄧時各不合幫助守墳宸濠又將胡瀛劉斐許效廉
錦賴鳳王玘并同知等官各拘留本衙門仍差兵校分投監守
彼因揚李禮陞陝西叅政疎放赴任去訖宸濠又差官校舍人
已故周成戴廣陳仁管押師夔不合依听前去九江勞兵撫民
七月初一日宸濠帶領官眷人等及令諭拱柝觀鈔宸風宸瀾宸

瀛宸浦拱械宸瀾宸汲宸湯宸澶宸澹并被脅逃首建安鎮國
將軍宸洪與前揆管哨等項人員王信等一同上舡又將王宏杜甫
王金山梁宸程果楊璋賀銳王峙潘鵬馬驥白昂許清卿文鄭璠
宋必芳涂文祥脅押隨行令凌十一等賊舡列夾左右仿守彼有宸濠
祭江又令吉與王綸各不合依所披戴盔甲隨待初二日開舡起程初九
日到地名黃石磯宸濠因見涂欽等領兵先攻安慶不克素知潘鵬
係安慶人當差白泓押伊不合同去城下誘降被指揮崔文等死守不
從比有畢真聞知宸濠起事就不合暗行四散差人捏稱宸濠差
太子來取浙江等語傳報各處動搖人心本月十三日假以進表為
名俱收各城門鑰匙約令三司府衛等官於次日四更時分各赴本鎮
行禮要得乘機殺害起兵助逆致被巡按張御史并各官知覓

即點官軍嚴加防備畢真惧怕不曾起手十四日羅朝紀朱欽胡
通鎮俱各逃散十五日萬銳差人報說王都御史官兵攻省城宸濠
慮恐破其巢穴又見安慶久攻不克心懷憂疑與李士實等謀
要退回江西省城全衆開船回行間有各船賊兵彼因惶擾亂逃
走知府鄭漱采以方亦各乘機脫走即中涂文祥亦終得脫當即
憤恨自行投水身死有王都御史督令各哨官兵於二十四日四更時
分前到省城攻圍被拱揆萬銳陸程等不合督賊拒守被官兵
奮勇攻開各門擒殺守城惡黨人衆宸濠府官眷亦畏懼自
縊數多本日辰時分王都御史進城撫定良善及擊獲拱揆親屬
陸程萬銳等并官人劉氏等及今故宸濠子三哥四哥各發布政
司知處知在拘監其先被拘番布政司等官胡瀆等亦各於王都

御史處投見省候二十二等日吳欽周俊徐銳各即逃散內吳欽當於
王都御史處投首訖宸濠與吉等面至王家渡因聞省城已破就彼
住劄彼王都御史分布官兵攻敗至二十六日將宸濠并吉與李士實等
各先後擒獲其賊舡被火焚燒并官眷人等投水溺死及四散奔潰
者不計其數有跟隨涂欽伊在官姪涂春不合將圓帶寶衣服駕舡
逃往急水溝湖內躲住彼有在官張受朱受耿二漢三琦王聰等一十名
各因販賣貨物等項生理在於湖口等處地方先各撞遇涂欽等未
攻安慶并有未到前衛百戶秦昇王樗俱被脅虜上舡各不合懼
怕較喜從行又有在官崑山縣人吳奎常來吉家抄戲慣熟亦不合
跟隨在舡彼因攻打安慶不克張受等七名逃機逃往河南睢州陳
鳳等一十名并秦昇王樗吳奎孫澄各逃往太湖等處及有在官萬

邦知得伊已故義男校尉萬龍被余欽脅去助逆亦逃往湖廣金沙
州各不合潛住不行首官被有楊清亦因敗散帶領所部賊眾逃至徽
州地方撞遇彼處官兵殺傷楊清不合率眾拒敵將指揮張璽劉甫
殺死亦逃至睢州地方潛住又有助逆千戶何綬因敗逃回至於在官
軍餘胡萬真家不合將伊引送星子縣地方潛住有毛濟在官男
毛柯桓朱美男朱廣盧永成弟盧貴盧永富男盧奉蕭宗瀛
家人蕭進才妻伯另居族姪妻相童真十四各明知伊父兄族叔毛濟
等各助逆各不合不行舉首彼有盧孔章等并李汝禎等因宸濠
謀反聲息傳報到京俱被各該衙門奏拏監禁數內盧孔章趙隆
賈信病故相埋訖彼蒙江西等處撫按守備等官王都御史并
欽差太監張兵張永等各先後將方倬等緝獲彼有違安鎮將軍宸洪

指揮千百戶等官養廉徙定秦誠李漸康靖傳英鄭春唐榮杜昂王
椿龔昇陳銳張斌徐隆徐賢陳韜劉標徐銳袁勳王爵李瑞吳雄
陳詔黃鑑陳麒馮淮楊斌張江孝欽梅榜茹富秦昇王樗蕭儀高
璿李幹楊威馮春各將被脅等項情由於王都御史等處首告
各發听候當有徐銳復蒙王都御史差委將逆犯朱真朱英捉
獲送官仍將徐銳呂欽及陸續緝獲各犯家屬吉在官弟劉全
二劉其三劉養正弟劉養賢徐紀男徐潮張高男張節徐欽
姪徐春及吉與熊綬王春陸程王信何綬下各在官同居家人招
孫火信姪大耀秦榮男秦柯彥相及方倬男方一陽方一新俱彼
時年十五以下連吉等通行先後奏解錦依衛鎮撫司監候內
方倬棋童等各病故相理訖蒙

欽依着三法司錦依衛將吉等并原監李汝禎萬桂等通行查取前來會問前情明白蒙審得吉與在官徐欽熊綬黃瑞李李世英熊僚葛江丁貴謝天一閔念八熊十四楊清秦榮在逃陳賢姚元佐已故萬銳徐永秀周瑞陳學官才安伯李士實王春劉養正徐紀盧孔章趙隆李蕃陸程張高王信王麒孫隆盧鏞火信唐全凌十一閔念四吳十三楊清喬熊十七萬賢二凌十九凌全雷漢四趙耀十九共四十八名俱係與宸濠共謀反逆起兵作亂罪大惡極处以極刑情法允當應該依律緣坐家口籍沒財產分爲第一等在官丁綱何堂楊昇劉勳柯綬馮旻周昂周勇宋欽徐銳吳欽秦婁一鄧時儉六范鳳婁福童未獲工副毛璘等俱係臨時順從反逆處以極刑於法亦當但

與共謀者情則有間相應罪止其身免其緣坐家口籍沒財產分
爲第二等在官吳松徐芳等一十四名俱係一時被脅隨從反逆用
事情與順從者不同若槩擬共謀恐失之濫在官樂平付明等一
十五名俱係該府旧供職役之人雖各從行止供令使通各比擬知
情故縱條分爲第三等在官胡節龍順蒙鳳傳得受宋天和
張縉俱係該府原供役內使官止是留其守門殿房屋等處不
曾共謀從逆應以同居之人本律科坐分爲第四等在官陳鳳劉
琦二十名俱係被脅從逆中途逃散不首相應末減比坐知謀不
首之條在官蘇文四樂節等二十四名俱係知謀不從故萬秀將
逆犯何綬知情引送俱合擬坐本律分爲第五等其爲第二等
內犯人宋欽吳欽徐銳第三等內犯人羅朝紀胡通鎮周峻俱於未

敗之先逃散內吳欽徐銳俱曾投首各是實除畢真王綸等各另行問擬外將吉等取問罪犯徐欽等一百四十五名各招同照出招內見問凌遲處死并先故未獲第一等逆犯俱合依律緣坐其家口抄沒其財產內係儀賓干碍郡縣注君者另行奏

請定奪并未獲其餘人犯俱合抄招備咨都察院轉行江西等處撫按衙門各查照分別等第議擬於內若有虧枉者毋拘成案即與辯理其都布按三司并各府州縣衙門等衙門曾被逆賊劫取倉庫錢糧脫放獄囚等項通行查勘明白具奏施行會議得劉吉等所犯劉吉余欽等二十七名俱合依謀反大逆與謀者不分首絞律各斬劉全二劉養賢等三十二名俱依謀反但共謀者子孫弟及同居之人不分異姓兄弟之子不限籍之同異劉全二等

二十四俱年十六以上律皆斬俱決不待時丁效等十名俱年十五以下律給付功臣之家為奴蘇文四樂節曼懌方儀方佩徐大才李泰萬銳朱廣盧奉蕭進才婁墨童吳奎孫澄萬印德余瓊紫忠孫福金章黃昇尚惠栗鳳張貫江梧婁章婁育十四俱合依謀反知而不首律陳鳳劉琦等二十名俱合依謀反知而不首律胡萬真依知人犯罪事發指引道路送令隱避者減罪人何授謀反共謀罪一等律杖一百流三千里各准徒四年蘇文四樂節曼懌俱係職官方儀方佩李泰徐大才萬銳俱係監生審俱有力照例送工部各照徒年限運炭完日仍北照行止有虧事例各革去職役送順天府給引照回原籍為民朱廣等四十一名俱係舍人軍民匠校等役審俱無力照例送順天府迺解各回原籍官司查發衝要驛

逆各照徒年限擺站滿日各着隨任合候覆審畢日通行奏

請定奪

刑部等衙門爲懲大逆罰大過勸大功信大義以彰

國法事先該

欽差御用監太監張永題前事取據犯人劉吉供內開稱寧府原有護衛後
因不法革改南昌左衛弘治十一等年合謀反自盡宸濠襲封寧王與今
自廸宜春王拱樞鎮國將軍覲鑾輔國將軍宸泓宸瀾宸澗宸洵宸瀾
宸汲宸湯宸涯已故瑞昌王拱楨鎮國將軍覲銓輔國將軍拱楸宸濬
未到鎮國將軍覲鍾覲銓覲鍾覲鉉輔國將軍宸渠宸普宸沆覲鈿鑾
國將軍拱樛宸澳宸泓輔國將軍宸洪各開府省城正德二年以來宸濠
恣肆妄爲意生不軌常請已故術士李自然等推命相面妄稱伊有天子
分又招已故術士李白芳等看得本省城內東南有天子氣穴就蓋陽春
書院階号離宮時去遊樂又將西山地名青嵐

先朝禁革龍口舊穴葬毋俱要謀當其氣又暗蓄姦謀誣陷宗室打死軍民不計其數正德九年正月內宸濠要行謀逆密與獲故致仕都御史李士實等商議謀復護衛方好整備軍馬圖謀天下就假以地方賊盜生發為名借指祖訓粧飾成本差官涂欽等將帶銀兩買求已處決都督錢寧等共為欺罔傳批特旨將護衛復與管業宸濠愈加恣肆要行舉兵作反訪知獲故舉人劉養正多讀兵書招請到府賞銀五百兩密約待特舉事宸濠又見得

朝廷未立東宮要得圖謀

大位密差獲故典寶萬銳等前來饋送錢寧等銀兩謀求將伊今故長男大司假以上

廟燒香為名迎取來京宸濠復與李士實等商議招蓄已故賊首凌十一等分影劫掠各處庫藏客商居民財貨送府分用暗令殺人藏於南北直隸

山東一帶進京沿途鎮店去處假名買賣專一接報京中事情待時起手
又於大院内張設勾欄搬演雜劇預令李士實等撰寫疏詞差人前往浙
江直隸等處各路粘貼意在傳聞京師邀請

駕臨因而仗兵圖謀篡逆正德十四年五月內宸濠惡逆彰聞致被科道官將

伊謀爲不執事情劾奏蒙

欽差類太監崔駙馬顏都御史前去省諭查革護衛本年六月內宸濠聞知
反謀敗露即召李士實等進府商議宸濠說稱差官看我府中事情

革我護衛若不起手斷然不好十三日是我壽日鎮巡三司等官必來慶

賀候其次日謝酒就脅令各官順從起兵彼若不從即行斬首警衆大事

就定比吉與李士實等各回說此謀最好至十二日鎮守撫按公差并三

司等官進府賀慶壽筵宴各散十四日早晨濠密令凌十一等暗藏兇

器傍立有鎮巡三司等官前來謝酒行禮至三拜宸濠即出殿前臺

上詐說

太后娘娘有密旨着我起兵你各官知大義否有都御史孫鏊同說即有密旨請看又問副使許達何如本官同說只有一點赤心宸濠說殺不知大義官以定民志就令凌十一等將孫都御史許副使押出在於惠民門內殺害鎮巡三司等官王宏等俱被綁送儀衛司等處監禁又召宗室及內外官員進府說稱今舉大事你各人務要盡心資助事定之後宗室加爵祿各官加重陞賞等語當有李世英等俱素通逆謀倡率宜春王拱樞瑞昌王拱楨鎮府輔將軍觀銑宸濠宸濶等十名亦各不合隨同稱呼萬歲比瑞昌王拱楨差未獲內使王萬興等前去內溪縣徃日交通王親已故義官江成家招兵本月二十三等日宸

濠要行領兵徑取南京遂分遣拱樞等祭告旗纛闕王雷教場山川
城隍等神又分送宗室將軍銀各一百兩段二足隨行同謀各王將軍
又各重賞不同又令覲籙拱樞協同督理內外防禦及撥樂安鎮國五
將軍覲鍾八將軍覲鉉瑞昌輔國二將軍宸濬五將軍宸浣石城鎮國六
大將軍覲鍾七將軍覲鉉亶春輔國三將軍覲鈺八位俱守城牆亶春
輔國四將軍宸漢瑞昌鎮國二將軍拱樞奉國六將軍拱樞弋陽鎮國
八將軍宸與九將軍宸泓俱守王門各不合听從七月初一日宸濠帶
領宮眷人等及令拱樞覲鉉宸泓宸瀾宸瀾宸瀾宸瀾宸瀾拱樞湯宸及
宸濠宸瀾并被脅逃首達安鎮國將軍宸洪與前撥管哨等項人等三信
等一同上舡七月初五日宸濠至康山遣拱樞祭本廟宸濠祭胡神初九
日至黃石矶宸濠因見余欽又攻安慶不克復差人押帶潘鵬鳴前去誘降

至十五日萬銳差人報說王都御史官兵來攻省城宸濠慮破其巢穴與李士實等謀要追保省城就令開舡回還聞王都御史督令各哨官兵於二十四更時分前到省城攻圍有拱樛萬銳等各督賊拒守被官兵奮勇攻開各門擒殺守城惡黨及拿獲拱樛覲鑾等各發布政司等處拘監彼有鎮國將軍宸洪乘亂脫走將被脅情由於王都御史首告發听候續蒙大監張永到彼查勘得宜春王拱樛瑞昌王拱樛鎮輔等將軍覲銓覲鑾宸洪等九人各受令諭担與協謀或隨行領軍或守城脅衆與春謀反盡听親枝甘心從逆尊奉

明旨連其家屬一并抄解赴京覲鍾宸洪等十一人或受令諭與其巡守城牆或督令賊兵看守城殺謀雖不與听其使令明有觀望之意宸洪雖稱被脅逃回自首准保不知其罪與覲鍾等有差其他在城宗室持

軍甘心受辱北面事讐僭呼萬歲分受賞銀或听協守城門使全雖
召故土合通行議處以昭

國憲等囚具題奉

武宗皇帝聖旨是反賊宸濠并逆黨拱樞等十四名

朝廷自有處治宸濠等十六名多燦等二十一名着暫在通判空閒公館

處所住歇仍差人着心看守防獲毋致疎虞其餘各該從逆等項重

犯待獻俘之日都拿至午門前听旨處治觀鍾等十三名并宸洪及

其余人犯便照依奏內事理着法司會同多官通行議處停當奏

請定奪欽此續該三法司錦衣衛遵奉

欽依會同

皇親五府各部科道等官將反賊宸濠并拱樞等先行擬議奏

請着令自盡訖所據覲鍾等及宸洪各從逆事情并其他在城宗室將軍
甘心受辱北面事讐分受賞銀或听恊守城門使令等情俱合會同
議處奏

請定奪

刑部等衙門為

開讀事欽奉正德十六年四月二十二日

詔書內一款款江西并各處地方先因宸濠反逆事敗及因人告報反妖言等

項事情一時追捕餘黨急於撲滅不暇審辨未免有所涉疑似被誣連

繫者經該問刑衙門務要嚴加詳審果係誣枉即與釋放若係逼脅

順從者問擬明白奏

請定奪毋得寬抑淹禁又一款款見監與宸濠謀反事情有干正德十四年就

陣擒獲及續拿犯人三法司錦衣衛先行會問明白其真正共謀逆賊
并臨時脅從及先年交通不曾與謀者各依律議擬應得罪名再會多
官覆審相同具奏定奪毋致輕縱免枉欽此續該司禮監大監常勳傳奉
聖旨說與三法司錦衣衛知道在京各衙門見監輕重罪囚或因領兵官
員追捕餘黨被誣連繫或因原問官員鍛鍊成獄拘泥文案多有冤
抑致場和氣上干

天變朕心憂惻便着多官查點詔旨從公會審分別情罪輕重等第明白
奏來定奪不許仍前寬枉欽此欽遵會問得犯人王倫原任江西布
政司左叅政狀招有今盡宸濠於弘治十年襲封寧王自正德二年以來
恣肆妄為意生不軌常招請已故術士李自然等推命相面妄稱伊有天
子之分又招已故術士李自芳等着得本省城內東南有天子氣穴就

蓋陽春書院僭號離宮時去遊樂又將西山地名青嵐

先朝禁革龍口舊穴葬母俱要謀當其氣又暗蓄姦謀誣陷

宗室打死軍民不計其數每年捐收祿米違例每石折銀二兩過限倍數

追徵被先任按察使鄭岳要行劾奏宸濠聞知暗令未到原任本司副

使李夢陽不合依听將跟隨鄭岳門子劉奉捉送拷打妄招贓私奏陷

鄭岳為民正德九年正月內宸濠密與獲故致仕都御史李士實舉人

王春在官承奉劉吉等商議要行反逆須討復先革護衛就假以

地方盜賊生發為名借指

祖訓粧飾成本差官承奉余欽等將帶銀兩饋送已處決都督錢寧并已

故發遣樂官賢減矣等傳批

特旨准將護衛改與管業宸濠既遂奸計為惡日甚被先任副使胡世寧

舉奏宸濠就行祝情具本又令涂欽等齎帶銀兩饋送錢寧等扶
同蒙蔽將胡世寧奏陷遼東克軍正德十年三月內宸濠謀要舉
兵訪知安縣獲故舉人劉養正素有才名多讀兵書差未獲審理
蕭宗瀛前去招請到府賞銀五百兩密約待時舉事宸濠又令劉
吉等多方設計謀為聚財招納殺人投獻田產強占官湖倚勢販賣
私鹽胡椒蘇木等貨難放官本稻穀加倍取利一省軍民遭害萬狀
正德十一年三月內宸濠見得

朝廷未立東宮要得圖謀

大位密差獲故內官萬銳等饋送錢寧臧賢銀兩謀求將伊今故長男大哥
假以上

廟燒香為名迎取來京彼各許允錢寧就詐稱

欽賜將玉帶絲段付與萬銳齋送宸濠當令本府官員穿紅四十餘日正

德十二年內有在官原任湖廣鎮守太監杜南因見錢寧專權用事

不合要得交結收買力起問結在官法保孫喜兒送與錢寧使喚喚又

有在官原任典寶閻順內官劉良陳宣潛走赴京具奏宸濠不法事

件宸濠當差劉吉赴京送錢寧等銀兩買求規奏將閻順等俱發

南京

孝陵充軍宸濠復與李士實等商議圖謀天下必慣戰賊徒當令涂欽

等招蓄已故賊首凌十一等吳十三等并四方亡命賊徒嚴縱丁家

山等處劫掠新建等縣民人羅慶三等家并各處庫藏及客商船隻

財貨入府分用本年十二月內有有官在太監畢真前來江西鎮守不

合將玉帶寶石紵絲等物饋送宸濠結好正德十三年內有死節巡

撫都御史孫鏗因見宸濠逆謀漸露屢行具本劾奏俱被宸濠設計邀
截訖宸濠常於南昌府縣索討夫馬多派葬祭銀兩節被未到知府
鄭獻阻拒不從致恨在心有吳十三等打劫達昌縣庫銀七千余兩與宸
濠分用又被鄭獻捉拿高主何順監問宸濠愈加嗔恨就行棍飾無名
職賊私具本誣奏輒將鄭獻并未到瑞州府知府宋以方亦因不听求囑雙
恨俱擅行拿送按察司監禁正德十四年正月內宸濠意欲要求虛查
欺詐

朝廷與李士實王春商議捏造孝行謀同畢真逼令南昌府縣學
官生員耆老人等具呈都布按三司轉呈鎮巡衙門有畢真與
未到巡按御史林潮各不合會本妄奏訖隨有畢真改調鎮守
浙江復差在官太監王宏前來江西鎮守綸亦由饒州等處地

前據文有作
紀者

方兵備副使陞李布政司叅政俱於本年四月內到任宸濠因副
使李夢陽休致回河南省城居住差在官監生方儀賫書并禮物
前來討陽春書院詩文彼有李夢陽因平素交往不合作詩二首
付與方儀回還彼有原差在京幹事已故典仗徐紀回府傳報

聖駕將巡山東泰安州等處宸濠就行陰遣在官樂人秦崇等在於
大院內張設勾欄搬演雜劇今李士實等撰寫疏詞差人前往浙江
直隸等處各路粘貼誘惑四方人心意在傳聞京師邀請

駕臨因而伏兵圖謀莫逆被有太監王宏總鎮一方未到部指揮馬驥
許清白昂王玘俱總管軍務左布政梁辰右布政胡蕪在官按察使
楊璋俱總治一省各明知宸濠反形已著自合協力嚴設保障以阻
姦謀各不合因循坐視長姦縱惡及未到巡按御史王全金叅政程杲

劉斐參議許效廉楊學禮副使賀銳唐錦僉事賴鳳王疇在
官潘鵬師夔已故參議黃宏俱有監司分藩之責亦各不合
畏勢避害不行舉發未到南昌府同知通判張元澄等南昌
新建二縣知縣陳大道鄭公奇等縣丞劉儒劉萬鍾主簿汝
實熊壁各有民社之寄各不合避害知而不舉致蒙科道等
官訪知宸濠謀逆事情交章劾奏蒙

欽差賴太監崔駙馬顏都御史前來省諭及查革護衛本年六月內宸
濠聞知反謀敗露密與李士實劉吉等議說如今

朝廷差官來勘我府中事情革我護衛若不起手斷然不好十三日
是我壽日鎮撫三司等官必來慶賀候其次日謝酒就令各官順
從起兵彼若不行即行斬首警衆大事就定比劉吉李士實各

不合回說此謀最好至十三日綸同鎮守撫按公同三司等官進府賀壽彼有未到守備南贛都指揮却文不合擅離守地及廣西叅政李敷已故主事馬思聰未到主事金山各因陞任公差經過到彼并已故鄉官徐文祥俱來致賀一同筵宴各散十四日早宸濠密令已故凌十一火信閔念四并在官楊清張浩等俱暗藏兇器傍立有撫巡三司等官前來謝酒行禮至三拜宸濠即出殿前臺上詐說

太后娘娘有密旨着我起兵你各官知太義否有都御史孫鏗同說既有密旨請看又問死節副使許逵如何本官回說只有一點赤心宸濠怒說殺這不知大義官以定民志有在官儀賓李世英不合在傍贊殺就令已故指揮張高王信監斬凌十一等綁縛將孫都御史許副使押出在於惠民門內殺害訖仍將各首懸掛城上以脅衆心

宸濠當又曾令衆官稱呼萬歲比有王宏王金梁家胡濂楊章馬驥
許清白昂王玘郊文潘鵬師夔王疇程斐劉斐許效廉賀銳唐錦賴
鳳楊學禮并綸各不合畏避殺害隨衆稱呼及王宏馬思聰金山李
敷涂文祥張元澄陳大道鄭公奇等俱被綁縛分送儀衛司監禁后有
黃宏馬思聰各在官憤恨不食死比將各衙印信倉庫錢糧盡行搜劫
獄囚盡行釋放宸濠隨有分遣儀賓校尉人等前往饒州等處地方
取印起兵節彼微豐城縣知縣賴准似進賢縣知縣劉源清奉新縣知縣劉
守緒餘余干縣知縣馬津東鄉縣知縣黃堂等各率兵截殺訖宸濠又
令典膳羅璜將綸職名寫成白牌開內爲開路取兵事令人賞往萬年縣
地方招取洞賊爲應又聞提督南贛王都御史前往福建等處公幹從
省經過要行執拿曾從先差已故內官俞才領兵暗伏地方生米觀等候

十五日王都御史至豐城縣地方聞交經趨吉安府卽行各該府縣地方
起集義兵會合征勦彼有太監杜甫改差福達鎮守前去到任從湖
口經過亦被宸濠邀截拘留留又差涂欽萬銳率領賊兵將南康府城攻
破擁入占拠彼有該府未到知府陳霖不合素失備禦當卽棄城逃走
以致倉庫錢糧獄囚俱被劫放有未到同知張祿通判俞椿蔡讓推官王
翊并附郭星子縣署印縣丞豐時中主簿楊本祿典史葉昌亦各不
合不行協力拒守亦隨逃走有未到知事孔鉞并儒學局務等官因
無主守亦各逃避又未到建昌縣知縣方鐸安義縣知縣王軾湖口縣知
縣章玄梅聞賊入境俱因無城池各不合棄守逃走建昌縣縣丞錢惠
主簿王鉞并湖口縣失記佐二首領等官各亦不合隨行逃避各倉庫銀
兩錢糧俱被劫掠人民多遭殘害有未獲安義縣主簿董國宣不合倚

侍弓馬希富貴帶領伊已殺男董茂隆女婿陳麟并未獲快手張
萬貫陳高八等各不合願投涂欽名下助逆未到都昌縣署印主簿
王昂典史楊伸祥德安縣知縣何士鳳各率兵拒守倉庫錢糧俱未
被劫賊至九江府地方有在官兵備副使曹雷因公差前往徑江次死
糧不合聞變坐視不即回府設備并未到九江衛指揮劉勳管操指揮
召鵬各主兵捍禦方并在官該府知府汪穎亦有地方之責各不合平
昔備禦不嚴臨時拒守無策未到通判張文鵬推官陳深亦各不合
不行協力拒守彼有未獲指揮丁膺朱俊千戶高贊阮勳張升劉清
何銳楊漢喬林蔡玉張變喬梁百戶張甫玉銳張綱羅昇白升樂清
李宣周愷張雄張洪馬貴趙偶鄧椿何海王道李文李俊夏贊周佐
張治鎮撫蔣麟苑綱俱分管東門未到指揮蕭綱安倫宗憲李瑛

千戶吳員錢頭王憲黃金百戶尹鎧趙昂王玘劉貴郭綱田寬魏憲
王椿朱銳沈林胡英許宣夏分管南門未到指揮孫璋百戶邵軒洪
寬馮寶趙思正董俊劉奉胡勳黃堂王濟百戶劉守和刑銳那迂卷焦
原李勳田賦朱奉李世芳陳月鎮抚左欽董忠俱分管西門未到指揮
董方許奎千戶閻相范忠陳言百戶白鳶胡鑑周文丘綱王月侯通馬
昂鎮抚李實俱管九江門未到指揮楊昂李泮千戶王漢夏鑑黃傑
丁紀百戶李揚廖潮李高王邦佐包瓚李能烏金蔡金賈宣王宣汪瓚
鎮抚胡正俱分管福星北門各帶領旗軍防守至十八日被涂欽率領
賊兵來攻福星北門有李泮不合畏怯先退楊昂等十七名亦各不合
不行拒守四散奔走致被賊衆攻開擁入有各門分守指揮等官丁
膏等亦各不合畏避逃走內百戶白昂馬貴亦各不合將原掌印信

遺失劉勳邵鵬汪穎就各不合將南門開放各棄城逃走有張雲
鵬陳深并德化縣知縣余志道典史曾時亦各不合隨同逃避未到
本府經歷蕭智知事白鳳照磨栾全檢校冀龐衛知事汪公傑并
各該府縣儒學倉場局務等官因無主守亦行逃避彼各賊將倉庫
錢糧獄囚盡行搶掠脫放官民房屋亦被燒劫奪數多賊兵又到
彭澤縣因無城池街市放火劫財有未到知縣潘鵬典史宋絳隨即
督兵拒守不曾大被劫擄本月二十日宸濠持梁辰胡濂劉棐賀銳
各放回本司留綸在府不合與伊用事本日宸濠偽撰檄詞指斥乘
與井安氏偽榜俱不用正德年号止称大明已卯各該印千余張脅差
李數貴往王都御史并廣東等處未到南昌府縣學教官達實
賁往布按三司趙承芳金清唐曰仁賁往南贛等府俱執妻子為

質仍差校尉管押李敷係方面重臣與達賓等各不合畏死各爲
賫送行至吉安等府地方各被官兵拿獲押送王都御史處將原
押校尉殺死檄榜燒毀李敷等監候宸濠又令人寫成布政司咨呈
備云檄文轉呈府部將搜去印信用使付與梁辰辰不合畏死命押本
月二十三日宸濠告廟出師祭旗令綸綸管理軍務與同劉吉等領
兵綸不合听從本月二十六日宸濠差在官儀賓李琳等管押程
杲潘鵬各不合听從放糧賑民宸濠因聞涂欽等攻掠南康九江
人民走散卽差已殺官校周成等管押師變不合听從往彼安抗
本月二十九日宸濠決計往取南京恐省城變動差已故校尉周真
未獲吳景賢等將銀送與梁辰胡濂劉裴許效廉每人一百五
十兩程杲一百兩又將銀送與楊章唐錦賀銳師變潘鵬賴鳳每

人百五十兩王疇一百兩未到經歷尹鵬知事張澍照磨雷爽各一百
兩馬驥許清白昂王紀每人一百三十兩俱交與各官家人惧害各收
接受後俱首官貯庫又押劉裴王玘贊伊巡守許效廉賴鳳贊伊接
官放糧主簿熊璧贊管造盃各不合听從七月初一日宸濠差人將
胡濂唐錦送回本司彼因楊學禮已陞陝西叅政放令赴任去訖復
將梁辰王洪杜甫金山王金程杲楊璋賀銳王疇潘鵬馬驥許清
白昂郊文鄭猷宋以方涂文祥俱脅拘上舡差撥儀賓等官張嵩
等并凌十一等各賊舡左右夾守又將胡濂劉裴許效廉唐錦賴
鳳王玘各拘留本司張元澄陳大道鄭公奇并經歷楊俊等各拘
留本衙門仍各差人監守本日宸濠帶同妃嬪人等上舡祭江令綸
不合披帶盃甲數隨侍次日開舡至初九日到黃石磯宸濠因報攻安慶

不克素知潘鵬係本處人就令引禮白泓等押伊不合賈檄到彼
招降有該衛指揮崔文等死守不從十五日宸濠又聞王都御史調
集官兵來攻省城議欲退保省城拒守彼有鄭獻用計脫逃當即
奮激立功招降哨賊百余人先赴王都御史軍門投首宋以方亦行
逃走不知去向涂文祥自行投水身死九江賊兵探知王都御史兵臨
省城就駕舡奔走前來欲行救援彼有師夔脫走比時曹雷在
瑞昌縣謀要復城聞知賊去與同汪穎并合屬官員引兵進府
十九日王都御史督兵大會省城關外於二十四更時分奮勇克
復省城當即旂戰已定有胡濂唐錦劉裴許效廉賴鳳王玘并一
應原拘府縣首領官正佐等官各赴軍門投首省候宸濠回至
黃家渡聞省城已破就彼駐劄被官兵夾攻賊兵不利以次奔

潰二十六日賊兵被火攻燒敗亂溺水者不計其數宸濠被俘其妃

嬪官人亦各投水論吳梁辰等亦各投到杜甫脫往九江去訖續該

欽差太監張永等親詣江西查勘案行三司權令王金金山梁辰等二十四名各

回籍听勘其餘府縣正佐等官羈候在彼待罪將論在官妾趙氏即

氏陳氏已故幼男王聰僧王貧僧并親弟王縉王緄十二歲幼姪法會

六歲幼姪悞懷同居家人米昇汪穎伊在官家人汪一魯曹雷伊在

官妻汪氏男曹自修并妻楊氏男曹全女平州江州使女春來家人書

童衣童楊璋伊在家妻黎氏妾米氏栢氏黃氏男原任湖廣德安樂

千戶所百戶楊汝棠并妻吳氏生員楊汝榮并妻張氏監故女小二姐

并使女夏景秋景冬景天香喜真家人楊定并妻王氏楊宇并

妻黃氏楊道明陸通和尚來安來福來悅來王來約來終冬保

福童喜祿杜甫伊在官妹杜惠聰姪女杜惠香使女臘梅桂花姪錦衣
衛帶俸指揮僉事杜聰并妻劉氏妾李惠金女桂姐使女善定桃兒
兒丟兒姪孫杜承錫錫外甥金良兒家人吳秀二漢米福榜四保杜金玉佐
永林聰馬兒小喜兒小五兒添才劉璋來壽張奇來住高英小和尚
高雄并妻羅氏揚達并妻張妙蓮使女林妙山趙貴杜來并妻邵善
慶進才來安掌兒住房人常住并妻朱妙才妾張氏男常欽常二
漢女常大姐未到家人德勝妻張秀蓮四兒妻葉二姐常有妻張常
順王宏伊在官姪狗寬兒伴哥兒姪婿金吾右衛指揮密宣并妻王氏
家人閻保王來王保來定七兒中建來倉塞二印子三兒三弟二漢王慶
并妻郭大姐未到王昭妻姚妙成女官女兒捨兒監故張鳶妻王良兒
顧工人黃錦妻韓二姐住房人洪祥妻曾三姐并論等通行解送刑部

錦衣衛沅衣局各分投監候小姐等病故相埋訖遇蒙正德十六年四月二

十二日

赦宥論等俱係及逆失機例不該宥本年五月內有杜甫要得掩飾前罪又不合
捏詞具奏續蒙三法司錦衣衛奉

欽依符綸等會問前情明白又蒙查得王都御史先次奏稱查勘得正德十四年

七月二十日以後知縣方鐸擒獲首緝賊李世英等一百七十五名王軾擒斬

賊級共一千餘名顆又該紀功科道官祝績等查勘得知府江穎副使

曹雷於正德十四年七月十五日以後共督獲逆賊楊仲錦等二十八名燒

毀賊舡九隻陸續生擒逆賊一百八十七名斬獲賊級二十一顆知府鄭嶽

擒獲首緝賊四十一級何繼周擒獲四十二名張元澄擒獲二十七名陳

大道擒獲二十七名鄭公奇擒獲五十六名陳霖擒獲二十一名張祿擒

獲一十二名揚本祿斬獲首級七名俞椿擒五十四名王翊擒獲一十二名
揚本祿斬獲首級三顆典史葉昌二顆又紀功孫御史手本開查李
敦下家人李慶在順化門王家渡等處擒獲逆賊丁鎮仔等三名又
該前紀功謝御史手本開查得僉事師夔擒獲縱周成等當時已
解到審驗後紀功祝給事中等查對不同將師夔姓名削去未會造
入正冊各是實除劉吉等另行問擬外將綸等取問罪犯潘鵬等一
十六名各招同汪一魯等一百一十四名口各供同照出王綸等應該緣坐
家口入官財產已該陝西鎮巡等官督同布按二司守巡等畢監等
查勘得王綸妻楊氏先已病故財產已行抄沒入官家屬王善等解
到別無緣坐人口未到有罪人犯巡按御史林潮係福建泉州府人王
金係順天府涿鹿中衛人却察院行各該巡按御史各提解京送刑部

另問其布政司等官梁辰等并未獲董國宣等合抄抬備行南直隸
江西各處巡撫都御史逐一查照提問罪重者奏

請定奪罪輕者照

旨徑自發落其未到無罪官員知府等官宋方等各查發復職公差戶
部主事金山就彼轉行原籍官司起送吏部復職若有別項違碍者
仍行查照問結其都布按三司并各府州縣衛所等衙門曾被逆
賊劫取倉庫錢糧脫放獄囚等項通行查勘明白具奏施行會議得
王綸等所犯王綸合依謀反但共謀者不分首縱律凌遲處死潘鵬
師夔李敷俱合比依知情故縱者律王縉王縉來昇王法會王悞懷趙
氏郭氏陳氏俱依謀反但共謀者王縉依同居之人不分異姓但年十
六歲以上律皆斬決不待時王法會悞懷俱兄弟之子不限籍之同

異年十五以下律趙氏等俱妄律各給傳功臣之家為奴王宏等三名
俱合比依守邊將帥守備不該為賊所掩龍衣因而失陷城寨者律
王穎合依守邊將帥被寨攻圍城寨不行固守而輒棄律各斬俱
秋後處決杜甫合依奏事詐不以實者律杖一百徒三年係太監照
例送工部運灰亮日送司禮監發落汪一魚等一百一十一名口俱供明人
杜聰密宣楊汝棠俱送兵部汪一魚等一百一十一名口俱送順天府給
引照回原籍各查發還取着後肆業寧家隨住候覆審奏

諸走奪